



UNIVERSITÄTS-
BIBLIOTHEK
PADERBORN

Cvrsvs Philosophicvs

Arriaga, Rodrigo de

Antverpiæ, 1632

Prooemivm.

[urn:nbn:de:hbz:466:1-95614](https://nbn-resolving.org/urn:nbn:de:hbz:466:1-95614)

BREVIS
IN LOGICAM
INTRODVCTIO

QVAM

SVMMVLAS VVLGO APPELLANT,

A VCTORE

R.P. RODERICO DE ARRIAGA
E SOCIETATE IESV.

PROOEMIUM.



DECREVERAM de Summulis nec verbum facere: res enim est
valde trita, nec magni momenti, & in Logicâ, si quid dignum
est scitu, ex proposito discutiendum. Quia tamen animus
est, diuinâ fauente gratiâ, integrum Philosophiæ ac Theologia
cursum, prout in nostrâ Societate vterque simul septennio tra-
ditur, in lucem dare; ne in illo hæc, licet exigua pars, deside-
raretur, eam breuissimè expediam. Quæ de Reductione per
impossibile inutiliter ac laboriosè à nonnullis fusiùs disputantur, ferè omittam: per
vixinti enim iam annos cõtino in Scholis degens, & in nobilissimis Academijs frequen-
tissimis disputationibus præsens, nec vel semel aliquem hac reductione vtentem, aut
indigentem audiui. Cuilibet enim argumentanti (nisi id datâ operâ obscuritatis causâ
faciat) facilius erit Syllogismum formare in perfectâ, quàm in indirectâ figurâ. Quod
si hanc non statim initio tetigit, quis credet illum tunc recordaturum omnium regularum,
quæ de reductione offensusâ tam fusè traduntur? Hæc clariùs vera deprehendes, dum
reductionis præcepta legeris. Omittam artem inueniendi medium: nullam enim aliam
video commodiorem, nisi felix ingenium, studium continuum, frequentem disputandi
& respondendi vsus, ac bonam memoriam, retinentem quæ in simili occasione ab alijs
audita, vel à se excogitata aliquando fuere. Quomodo enim potest dari vniuersalis re-
gula ad diuersas, disparatas, imò & oppositas consequentias in tot distinctis materijs
probandas?

De Summularum auctoribus ac illustratoribus vide hic P. Hurtadum in Proœmio, 2
& Combricensis in Logicâ. Nos, his omissis, ad rem veniamus.

A

DISPV-